

№ 21

თბილისი

ნოემბერი

1963

4
1963

ნიუნჯი

გამოცემის 41-ე წელი. ღირსი 20 კპვ

ბავშვები
საბავშვო
საბავშვო



მზობის დროს შრიალეხს,
წითელ დროშას მთვარე,
ჩვენი საფორტოს ხალხები
დიად მკობობებს სვდებიან.

4A

СССР

ИМП

საბავშვო
ნიუნჯი

მეზღვე რსოვლი

საქართველოს
საბჭოთაო
საბჭოთაო

უძილობა ჯანმრთელობის დაუძინებელი მტერია, მაგრამ ძილი ულოგინოდ არ შეიძლება, ლოგინი კი — უბამბოდ. მართლაც და, ბამბა რომ არ ყოფილიყო, ადამიანს შემოსვაც გაუჭირდებოდა და ბალახბულახში მოუწევდა ძილი.

მატყლი? ჯერ ერთი, ცხვარი რამდენჯერაც იწველება, იმდენჯერ რომ იკრიჭებოდეს, მაინც ვერ გაწვდებოდა კაცობრიობას სიგრძე-სიგანეში და, მეორეც, მატყლი, ცოტა არ იყოს, იმდენად ძვირია ბამბასთან შედარებით, რომ მატყლში გადახდილი ფულის დარდი ზოგიერთს აღარც დააძინებდა.

ვისაც არ უნდა ჰკითხოთ, ყველა გეტყვით, რომ ბამბისაგან კეთდება ნართი თუ ქსოვილი, სუფრა თუ ხალიჩა, ფარდა თუ ფეხსაცმელი, მაგრამ გულუთისა და ცხაკაიას ყრუ-მუნჯთა საზოგადოების ბამბის საპენტი და ლეიბსაბნების სამკერვალო საამქროების მუშაკებს რომ ჰკითხოთ, ბამბისაგან რას აკეთებთო, გაბასუნებენ — ფულსო. მაინც, მაინც, როგორ? — იკითხავთ თქვენ, მაგრამ ამ კითხვაზე ნამდვილად წაგიყრუებენ, წაგიყრუებენ, მაგრამ უბრალო თვალის გადავლებითაც მიხვდებით, სად მარხია ძაღლის თავი:

„ქვიშა ბამბის ალაგს ვერ დაიჭირებს, თუ გინდ ყუთნის საბანშიაც ჩაიწოს!“
საიათნოვა

ბამბა ბოჭკოთა სიგრძით ფასდება. რაც უფრო გრძელია ელემენტარული ბოჭკოები, მით უფრო მაღალხარისხოვანი ნართი მზადდება მისგან და პირიქით. არის ისეთი ბოჭკოებიც, რომლისგანაც ძალზე დაბალი ნომრის ნართი მიიღება, ანდა საერთოდ შეუძლებელია მისგან ნართის მიღება. ასეთ ბოჭკოვანი ბამბის სართავი მანქანების ნავარცხნთან შერევით სათანადო რეცეპტურის მიხედვით მიიღება ბამბა, რომელიც გამოიყენება ლეიბისათვის, საბნისათვის, ავეჯისათვის და სხვ.

მათემატიკოსების ენით ბამბის საპენტი წარმოებაში რეცეპტურის დაცვა ფულის კეთების უკუპროპორციულია. მართლაც და დაიცავ რეცეპტურას, იქნება ბამბის ნორმალური დანაკარგები, ბამბის დანაკარგები კი უღრის ფულის დანაკარგებს.

როგორც ეტყობა, ცხაკაიასა და გულუთის ყრუ-მუნჯთა საზოგადოების ბამბის წარმოების მუშაკებს ბამბის დამზადების ტექნოლოგიური რეჟიმი მკაც-

რი რეჟიმის ქვეშ, მაულის ქვეშ აქვთ ამოდებული, ანდა სულაც არა აქვთ, ანდა, თუ აქვთ, არ კითხულობენ, ანდა, თუ კითხულობენ, არ იცავენ.

აღნიშნული წარმოებების მუშაკებს მათემატიკის ზემოხსენებული ელემენტარული კანონი სრული სიზუსტით გამოუყენებიათ და ბამბის დანაკარგები დასაკარგავად ვერ გაუმეტებიათ, ლეიბებში ჩაუყრიათ და ფულად უქცევიათ არა წარმოების სასარგებლოდ, არამედ თავიანთთვის, მუთაქებში შესანახავად.

უდავოა, ტექნოლოგიური რეჟიმის დარღვევით შექმნილ მარცხენა უხარისხო ლეიბ-საბნებისა და ბამბის რეალიზაციის საქმეში სავაჭრო ორგანიზაციებს მარჯვენა ხელი გაუწოდებიათ მომხმარებელთა კოლექტიურად მოსატყუებლად. კარგად, მართლაც კარგად სცოდნიათ მათემატიკა, მაგრამ ცუდად, ძალზე ცუდად სცოდნიათ საბჭოთა იურისპრუდენციის საყოველთაოდ ცნობილ კანონი, რომ მათი ნამოქმედარი სისხლის სამართლის დანაშაულია.

აღნიშნული წარმოებები ძირითადად სამი სახის ბამბის გამოშვებისათვის არიან მოწოდებულნი. ესენია, არტიკული 1,2 და 5. ერთი კილოგრამი ბამბის ფასი შესაბამისად განისაზღვრება 1 მან. და 25 კაპ., 1 მ. 06 კაპ. და 72 კაპიკით, თუმცა, მათ მიერ გამოშვებული სამივე სახის ბამბის ფასი ფაქტიურად კაპიკია: რადგან ლეიბში ბამბის ისეთი ნარჩენებია ჩაყრილი, რომ ხელის მოკიდება შეგეზიზღება. ვინც მასზე იძინებს, ალბათ, საპნის ყიდვას ვერ ასდის, ვინაიდან ლეიბებზე გადაფარებული ზეწრები და თეთრეული ყოველ დილით ჭუჭყისაგან იქნება გაშავებული.

ზემოთ ხსენებული წარმოებები საოჯახო ბამბას ათეული ტონობით ამუშავებენ, მაგრამ საოჯახოდ არც ერთი არ ვარგა, ვინაიდან დანაკარგები თვით ბამბაშია მითვლილი, რომლის ანგარიშზეც კეთდება ფული.

ვინც თითებზე თვლა იცის, მოდგეს და ითვლოს რამდენი ბამბა „გადაამუშავეს“ ცხაკაიასა და გულუთის ყრუ-მუნჯთა საზოგადოების ბამბის წარმოებებში და რამდენი მანეთი ააჩხრიალეს დანაკარგების ხარჯზე.

მოდი და ნუ დაიჯერებ ამის შემდეგ, რომ ბამბაც ჩხრიალებს, როგორც კაკალი.

ცხაკაიასა და გულუთის ყრუ-მუნჯთა საზოგადოების საწარმოთა ხელმძღვანელები იქნებ ფიქრობენ, რომ ყველას მათი საწარმოს მიერ გამოშვებული ბამბა აქვს ყურებში და არაფერი ესმის.

მგზავრობა თბილის—ქუთაისის მაგარკაბლით

ნახ. მ. აბაშიძისა



— მაშ წამიყვანთ უბილეთოდ?
— ფული იყოს და წაგიყვან კი არა, წაგაბრძანებ!

გამზინო საბანაქი



ნახ. 63

— აი მამი, ვერ იცანი? თებრონიანთ ვიოლეტა ჩამოსულა!
 — აბა რას ვიცნობ, შვილო, ცალი თვალი ძლივს უჩანს!

მანქანა

ფეხსაცმელი ისევე აუცილებელ საჭიროებას წარმოადგენს ადამიანისათვის, როგორც ტანსაცმელი. უფრო მეტიც. ფეხსაცმელი ტანსაცმლის მშვენიერება და ორივე ერთნაირად ამშვენებენ ადამიანს.

ამიტომაც, რომ კაცი თუ ქალი, დიდი თუ პატარა, როცა ახალ ტანსაცმელს იძენს, შესაფერის ფეხსაცმელსაც მაშინვე ეძებს.

ექვს ლამაზი შესახედაობის გამძლე ფეხსაცმელს და დიდი ძიების შედეგად შოულობს მას. შოულობს და უხარია.

ადამიანის ეს ბუნება საქვეყნოდაა ცნობილი. უცნობია მხოლოდ ქუთაისის ფეხსაცმლის ფაბრიკის ხელმძღვანელებისა და ინჟინერ-ტექნიკოსებისათვის, ოსტატებისა და ჩუშებისათვის. დიახ, მათ ერთნაირად მიუძღვით ბრალი. უხარისხო პროდუქციის გამოშვებაში, წუნისკეთებაში. ეს რომ ასეა, ამ წერილის წაითხვის შემდეგ ყველა დამეთანხმება, დამეთანხმებიან თვით ქუთაისელი მეფეხსაცმელებიც.

ფეხსაცმელი ფეხსაცმელს მიტომ ქვია, რომ ფეხზე ჩასაცმელად უნდა ვარგოდეს და ქუთაისის ტყავფეხსაცმლის კომბინატის ნაწარმით ხელით სატარებელი არ უნდა იყოს. თუმცა ცხაკაიას № 16 მაღაზიაში რომ სპორტული ჩუსტები იყიდება 4 მანეთად და 40 კაპიკად, მათი ხელის ხლებაც კი საშიშია, რათა უშნო და უხეშ ზედაპირზე უშნოდ და ულამაზოდ მიწებებული თუ მიკერებული ძირი ხელშივე არ შეგრჩეს. აბა, რაღა სპორტული ფეხსაცმელია, თუ ჩაცმამდე დაირღვევა, მაგრამ ეს არ უკვირს მე-16 მაღაზიის გამგეს ვაჟა ჯალალნიას, რადგან ქუთათურ ფეხსაცმელივით ირღვევა აქ ვაჭრობის წესები. აგერ, გამგის პოზით რომ ტრიალებს დახლთან ეს ვაჟაკი იური ცომაია. ის არც არავის მიუღია სამუშაოზე და არც სათანადო ბრძანებით გაუფორმებიათ. ოფიციალური დოკუმენტებით მაღაზიასთან საერთო არაფერი აქვს და თუ გამგეს „ენმარება“ საქონლის ქებაში და სპორტული ვირტუოზობით და წარმატე-

ბით ასაღებს ამ არასტანდარტულ და არასპორტულ საქონელს, უნდა ვიფიქროთ, ეს უსასყიდლოდ არ ხდება. იქნებ „ავიწყდებათ“, რომ პროდუქციის ხარისხზე პასუხს, გამომშვებ ორგანიზაციებთან ერთად, გამსაღებლებიც აგებენ.

ბევრგან შეხვდებით ქუთაისის ფეხსაცმლის ფაბრიკის უხარისხო ნაწარმს და მათ შორის ზუგდიდშიაც, საქართველოს სატყეო და ქალაქის მრეწველობის მუშათა მომარაგების განყოფილების საწყობში. ნახავთ და გაიოცებთ:

— ეს რა არის?!

— ფეხსაცმელია, ქუთაისის ფაბრიკის მიერ გამოშვებული.

ექვის მიტანა შეუძლებელია, ნამდვილად ძალიან წააგავს ფეხსაცმელს. ამიტომ თქვენც უჯერებთ საწყობის გამგე შ. ელაშვილს. ფეხსაცმელები მაგიდაზე აწყვია, თუმცა უფრო ზუსტად რომ გამოვთქვათ, ქუსლები მაგიდაზე აწყვია, ხოლო ცხვირები ჰაერში აქვთ აწეული. ცხვირაწეული ადამიანი გვინახავს, მაგრამ ფეხსაცმელი კი არა. ვცადეთ გასწორება, მაგრამ როცა ცხვირები მაგიდაზე დაეწყო, ქუსლები ჰაერში დარჩა. ორიგინალური კონსტრუქციის ფეხსაცმელია, ერთდროულად ქუსლებისა და ტერფის მიწაზე დადება შეუძლებელია, ან ქუსლებით უნდა იარო, ან ფეხის წვერებით. ერთ-ერთი ვაღარჩება გაცვეთას.

— რატომ მიიღეთ ასეთი ფეხსაცმელი?

— ჩვენი ხელშეკრულებით არ არის გათვალისწინებული ამ სახის ფეხსაცმლის გამოგზავნა, მაგრამ რატომღაც მაინც გამოგვიგზავნეს. ჩვენ აქტი შევადგინეთ უხარისხობაზე და შევატყობინეთ, რომ უარს ვამბობთ მიღებაზე. ქუთაისის ტყავფეხსაცმლის კომბინატი დეპეშას აგზავნის და დაყინებით მოითხოვს ფეხსაცმლის უსიტყვოდ მიღებას და ფულის გადახდას. რა ჰქნან საწყალმა ფეხსაცმელებმა, არც მათი გამომშვები ლებულობს უკან და არც სავაჭრო ორგანიზაციას სურს მახინჯების მიღება და ასე არიან ორ წყალშუა.



— შეხედე ამ ფრენიებს, ისეთი ძლიერი „ფრთები“ აქვთ, რომ რაიონიდან გადმოფრინდნენ!

ა რ ი ა ყ რ ა

ეს ერთი ხანია, რაც მიხო ქალაქში ჩამოდის, შედეგი კი არა ჩანს.

მართალია, უარს არ ეუბნება დირექტორი, მაგრამ არც აკმაყოფილებს. ჰოდა, დადის წინ და უკან მიხო. ბოლო არ უჩანს სიარულს.

აი, ახლაც, ზის მიხო მოსაცდელ ოთახში. შედიან და გამოდიან, გამოდიან და შედიან დირექტორის კაბინეტში. კაბინეტიდან კი უცნაური ხმები ისმის:

- ბატია, ბატო!
- მამლაყინწაა!

— ინდაური! ნამდვილი ინდაური!..

ხანდახან კაბინეტიდან ცხოველების სახელეზიც ისმის: ძროხა, თხა, კამეჩი... მაგრამ მიხოს ეს არ აინტერესებს. ალბათ, დამხმარე მეურნეობაზეა საუბარი.

ზის მიხო და იცდის. დღეს გადაწყვეტილი აქვს გადაჭრილი პასუხი მიიღოს. თუნდაც წაეჩხუბოს დირექტორს. მობეზრდა სულ თხოვნა და თხოვნა. ოჯახში ცდებო. კოლმეურნეობაში ცდებო. სანამდე ასე! დამიყვირებს? — დეჟუყვირებ მეც. ბოლოს და ბოლოს, ხომ არ შემეპამს?

მართალია, გააფრთხილა მდივანმა: დღეს ცუდ გუნებაზეა, ნუ ზიხვალ, მაგრამ მიხო კარგ გუნებაზეა? ერთი მიხოსიც იკითხეთ!

და, როცა მიხოს ჯერი მოვიდა, თამამად შევიდა კაბინეტში მიხო. თხოვნა გაუმეორა დირექტორს, თან დასძინა: სანამ ორდერს არ გამომიწერო, აქედან ფეხს არ მოვიცვლიო.

ამ დროს ტელეფონი აწკრიალდა. დირექტორმა მილაკი აიღო.

— გისმენთ... დიახ, მე გახლავართ... რედაქ-

ციიდან? კი, ბატონო! რაშია საქმე? მოზრუნადით!

დირექტორმა მილაკი დადო და მიხოს უთხრა:

— წადი და მოიყვანე ინდაური!.. მოცეცემ...

მიხო გავარდა კარში, სწრაფლად დაიხრებინა ერეოდა.

ერთი საათიც არ გასულა და მიხო ისევ დირექტორის კაბინეტთან გაჩნდა. იღლიაში დიდი ინდაური ამოეჩარა. მდივანმა გზა გადაუღობა, მაგრამ მიხო გადალიანდა და თითქმის ძალით შეიჭრა კაბინეტში.

აი, ბატონო, მიირთვით! — და ღიმილით გაუწოდა ინდაური დირექტორს.

— ეგ რა არი? — გაუყვირდა დირექტორს.

— ინდაური! — და მიხომ თვალი ჩაუკრა.

— ინდაური რა შუაშია?

— იმ შუაშია, რომა... — და მიხოს უნდოდა ეთქვა, აკი თვითონ დამავალეთო, მაგრამ თავი შეიკავა. დირექტორთან ვილაკ კაცი იჯდა. მიხოს არ უნდოდა საიდუმლოს გამომჟღავნება უცნობ კაცთან.

უცნობი წამოდგა. მიხოს მეგობრულად ხელი დაადო მხარზე და ჰკითხა:

— მითხარით, რატომ მოიყვანეთ ინდაური?

მიხო დუმდა.

— აი, ხედავთ, რა ბრიყვ ხალხთან მაქვს საქმე? — თქვა დირექტორმა. — თქვენ ბიუროკრატობას მწამებთ. ზიხართ რედაქციაში, იქვეებით პროუკაციულ წერილებში და გჯერათ მათი.

— ჩვენ ვამოწმებთ, სანამ დავიჯერებდეთ. — თქვა უცნობმა.

— ჰოდა, ხომ ხედავთ, რა ბრიყვ ხალხთან მაქვს საქმე? — ხმას აუწია დირექტორმა და მიხოსაკენ ხელი გაიშვირა.

ბრიყვიო და მიხომაც აიმაღლა ხმა:

— განა თქვენ არ მომთხოვეთ ინდაური მოიყვანე და ორდერს მოცეცემო?

— მოიცა... მოიცა... ხა... ხა... — და დირექტორს წასკდა სიცილი. — შე ოჯახქორო, მე გითხარი, ჩემს ბუღალტერს დაუძახე — მეოქი.

— არა, ბატონო, თქვენ მითხარით ინდაური მოიყვანეო, — ჯიუტად გაიმეორა მიხომ.

— ჰო... ჰო... მე ჩემს ბუღალტერს ვეძახი ინდაურს... შენ კი ვერ გაიგე და რა ჰქენი, შე ოჯახქორო? — ჩაიქნია ხელი დირექტორმა.

— ჰო, ეგ არ ვიცოდი... ბოდიში!.. — მოიბოდიშა მიხომ.

— სამაგიეროდ მე გავიგე, რაც მინდოდა, — გაეცინა რედაქციის მუშაკს. — „რძალს უთხრეს: დედამთილი გემღურისო, და რას გემღურის ის სულძაღლიო? აი, სწორედ მაგასაო“... ჰოდა, აი, სწორედ მაგას, ამხანაგო დირექტორო!.. მაგას გემღურიან!..

დირექტორი დუმდა. მიხოს დუმდა. მხოლოდ ინდაურს მოსწყინდა დუმილი და მორთო ყვიტყვიტი:

— ყვიტ!.. ყვიტ!.. ყვიტ!..

რ. კორძია

ნაღლი მასალა

გაგი პიესას აშალაშინებს, ყრის ბურბუშელას, არ ეყიღება, მაგრამ ხანძარი აღარ აშინებს: წყალია, ცეცხლი არ ეყიღება.

აბაპი გელოვანი

ტალა და რეზოლუცია

ბობოქრობდა ზღვა შმაგი და მრისხანე, ეხეთქებოდა ტალდა ტალდას, აწყდებოდა ჯებირს და გაბზარა იგი.

ნახა ბზარი იგი რიგითმა მუშამ და მოახსენა ინჟინერს: გაბზარულა ჯებირი და შევაკეთოთო. ჯერ უფროსს მოგახსენოთო, თქვა ინჟინერმა და უბატაკა სამშენებლო სამმართველოს უფროსს: აბობოქრებულ ზღვას ჯებირი გაუბზარავს და უნდა შეკეთდესო.

შეკეთდესო, თქვა სამმართველოს უფროსმა, მაგრამ უფროსი რისი უფროსია, ყოველგვარი საქმის კურსში თუ არ ჩააყენე, ვაცნობოთო ზევით.

გააშანშალა უფროსმა მოხსენება: აბობოქრდა ზღვა, მიეხალა ტალდა ტალდას, გაბზარა ჯებირი და უნდა შეკეთდესო.

მიიღეს სამინისტროში მოხსენება და მოახსენეს უფროსს: ზღვის სანაპირო ქალაქი №-ის იმა და იმ უბანში, იმა და იმ ადგილას გაშმაგებულ ზღვას ჯებირი გაუბზარავს, შეკეთებას ითხოვენ და რა პასუხი გავცეთო.

ჩემი პასუხი, რა თქმა უნდა, ის არის, თქვა მინისტრმა, რომ დაუყოვნებლივ უნდა შეკეთდეს. აფრინეთ ორი-სამი კაცი, შეადგინონ ხარჯთაღრიცხვა, წარმოადგინონ და თანხას და მასალებს დაუყოვნებლივ დაგუშვებო.

გაუშვეს სამი კაცი, შედგა ხარჯთაღრიცხვა, წარედგინა უფროსს.

არ დააყოვნა უფროსმა, დაუშვა თანხა და მასალები, შავი ტუშით დაადო რეზოლუცია იარა რეზოლუციამ ინსტანციიდან ინსტანციამდე, იარა, იარა დაწესებული წესისა და რიგის მიხედვით და, ვიდრე თანხამ და მასალებმა დანიშნულ ადგილას ჩააღწიეს, ბობოქრობდა ზღვა შმაგი და მრისხანე, ეხეთქებოდა ტალდა ტალდას, აწყდებოდა ჯებირს და ეგერ ე, იმ სიგრძეზე მოშალა იგი.

ნახა მოშლილი ჯებირი იგი რიგითმა მუშამ და, როგორც რიგი და წესია, მოახსენა ინჟინერს: ჯებირი მოშალა ზღვამ და, მთლად რომ არ წავგლეკოს, ახალი უნდა გაკეთდესო.

უნდა გაკეთდესო, თქვა ინჟინერმა და უბატაკა სამმართველოს უფროსს. სამმართველოს უფროსმა მოხსენება წარუდგინა ზევით, იქიდან აფრინეს სამი კაცი, სამმა კაცმა შეადგინა ხარჯთაღრიცხვა და წარუდგინა უფროსს. უფროსმა შავი ტუშით დაადო რეზოლუცია და, ვიდრე ეს შავტუშა რეზოლუცია იგლიდა და იგლიდა ინსტანციიდან ინსტანციამდე, დაწესებული წესის მიხედვით, ბობოქრობდა ზღვა შმაგი და მრისხანე, ეხეთქებოდა ტალდა ტალდას, გადადიოდა ნაჯებირაზე, აწყდებოდა აქა-იქ შემორჩენილ ჯებირს და შლიდა და შლიდა...

დაინახა ეს რიგითმა მუშამ და მოახსენა ინჟინერს. ინჟინერმა — სამმართველოს უფროსს, უფროსმა — ზევით, იქ შავი ტუშით დაადეს რეზოლუცია...

და ბობოქრობდა ზღვა შმაგი და მრისხანე...

8. ჰარჩაძე

მეცობრული შარქი



Клюет?! Не клюет?!

ნამღვილი ზღაპარი

ერთ დიდ დაწესებულებას მეტად მრისხანე დირექტორი განაგებდა. მოადგილიდან დაწყებული დამლაგებლამდე ყველას ეშინოდა მისი. რა მოუხერხოთ, რა გზას დავადგეთ? — ფიქრობდნენ თანამშრომლები.

დაიწყო სჯა-ბაასი:
— ხვალ ხომ კრებამა?
— კი...
— გამოვიდეთ კრებაზე და ვთქვათ, რა ნაკლიც აქვს!..
— კრიტიკის ქარ-ცეცხლში გავატაროთ!..
— ვაგრძნობინოთ, რა ძალა ვართ, რას წარმოვადგენთ!..
— სწორია!..

— მართალია!..
— მაშ, გადაწყდა, ხვალ კრებაზე ჩვენი უფროსი უნდა გაეკრიტიკოსო!..
ამ დროს ერთმა შენიშნა:
— კი მაგრამ, კინ გამოვა კრებაზე სიტყვით, ვინ გააკრიტიკებს დირექტორს?..
ყველანი გაჩუმდნენ.
ზოგმა თავი გააქნია და ჩუმად გავიდა ოთახიდან, ზოგნაც მხრების აჩეჩვით წავიდ-წამოვიდნენ.


დარჩა მარტო მოადგილე. მოადგილე ჩაფიქრდა, მანაც თავი გააქნია, მხრები აჩეჩა, საათს დახედა, პორტფელს ხელი დაავლო და საქმიანი კაცის იერით ფეხაკრეფით გაიდა.

სიყვარულის ძალა

ერთ სოფელში ალაღბედად გოგო ვნახე თვალციმციმა; გადავხედე, გადმომხედა, გავუცინე, გამიცინა; გავუარე, გამიარა, გამეცნო და გავეცანი; სული ჰქონდა რა კრიალა, გული როგორც — ნაკვერცხალი. მასზე ფიქრიც არ მომესწრო, მთელ სოფელში ხმა გავარდა: — საწყალ გოგოს ატყუებსო, სდომიაო საყვარლად. დღე დავნიშნეთ ქორწილისა, გავაჩაღეთ სამზადისი; ცრუ ხმამ გული მოგვინისლა, მიგვინელდა მთლად ხალისი;

იქ ისა თქვეს, აქ ესო, — რის ქორწილი, რა ქორწილი! ლოქოს უგებს ფაცერსაო, ამ საქმეში გამოცდილი! ვიქორწინეთ, როგორც წესი, თანა გვსდევდა თვალი ავი, — სულ ერთ თვეში გაავადებსო, დაიღუპა საცოდავი... ჰეი, იქნებ ენა იღრძოთ, შემეწიოს ღმერთი, რჯული; ქვეყნად ყველა ლამაზს მიჯობს, მე რომ შინ მყავს „დავავაული“. მას აქვს ჩემი გულის სალტი, ჩემი სულის გასაღები, და ერთს ვწუხარ: მე არ წავხდე, თვით არ გავხდე გასაგდები.

8. შამანაძე



რედაქტორი ნ. შველიძე.

სარედაქციო კოლეგია: ნ. დუმბაძე, ს. კლდიაშვილი, ნ. მალაზონია, მ. ქარჩავა, ო. ჭელიძე.

საქ. კმ ცენტრალური კომიტეტის გამომცემლობა

თბილისი. სატირისა და იუმორის ჟურნალი „ნიანგი“. Тбилиси. Сатирико-юмористический журнал „Ниянги“. რედაქციის მისამართი: რუსთაველის პრ. № 42. ტელეფონები: რედაქტორის — 9-76-69, საერთო განყოფილების — 3-10-49

ხელმოწ. დასახ. 31/X-1963 წ. ქალ. ზომა 70x108 18, 0,5 ნაბ. ფურც. 1,37. ფიზიკურ ფორმათა რაოდენობა 0,5. პირობით ფორმათა რაოდენობა 1, ხელნაწერები ავტორებს არ უბრუნდებათ. პოლიგრაფკომბინატი „კომუნისტი“, ლენინი ქ. № 14. შეკვ. № 2360. ჟგ 12196. ტირაჟი 40.000



გერმანიის ფედერაციული რესპუბლიკის ბუნდეს-
ტაგმა ადენაუერის ნაცვლად ლუდვიგ ერჰარდი აირ-
ჩია დასავლეთ გერმანიის ახალ კანცლერად.
ერჰარდის მიერ გამოცხადებული პოლიტიკური კურ-
სი, როგორც ორი წვეთი წყალი, ისე გავს ადენაუერის
პოლიტიკას.

„იგი წავა და სხვა მოვა...“